

# PAPAKILO

Hawaiian Newspapers Collection [Menu](#) ▾

Translate  
www.hawaii.org

Hawaii Holomua / 12 May 1894 / Ka Ahaelele.

Hawaii Holomua, Volume I, Number 19, 12 May 1894 — Ka Ahaelele. [ARTICLE]

[Back](#)

## Ka Ahaelele.

O ka Ahaelele hana Kumukanawai onou poo kanaka a na kakoo pi gi e hookikina nei i ko lakou aoao iho, oia ka manu ekaeka loa o ka hoowahawaha maopopo ia e ka puuwai Hawaii o ke aloha kanaka a me ke aloha i kona aina hanau pono, he kumuhinu i ike mua ole ia kona helu elua mai ko Hawaii nei kukulu ia ana malalo o ke au hooponopono naauao o ka malamalama, a e hookele ia nei e na mamomikanele o ka pakaha a me ka powa. O

ke ohohia ole o ka lahui no ke kumuniu hana kumukanawai, oia ka puupuu ikaika i loaaku i na kakoo o ke aupuni pi gi, a me ka nawaliwali maopopo o ke lakou kahua e ku nei i lilo i mea hoomokuahana i ka lehu-lehu, a aole loa makou i ike ia hookahi kanaka kuokoa mai kekahi apana koho balota kukaawale mai o keia aupuni malalo o kona manao pono iho, ke ole oia e lilo i kii keaka na

ka poai o na pi gi ma o kekahi mau oihana, a me ka hooweliweli pu ia aku o kona hoopau ia mai ka oihana.

O na olelo haanui eleele loa o ka hoowahawaha a me ka hilahila ole, oia no ke koho balota hana kumukanawai a ke aupuni pi gi i kahea iho nei me na hoopaa mua ana i kinohi, aia he ewalu tausani o na Hawaii kuno i ke koho balota i

kakoo i ke aupuni hooahaunaele a na mikanele, aka, ma ka nana pono ana aku imua o ko lakou mau maka a me ka huina o na balota i haawi ia o ke koho, e loa no na huahelu hoohewahewa ole o 2,500, he akahi-hapaono wale no o ka huina nui o ka poe kupono i ke koho balota, e like me ia i hoohana ia a hoko ia ma ko Hawaii nei kanawai maa mau o ke kuleana koho balota lahui o na makahiki i hala.

Mai loko mai o keia huina, aia he 700 o keia poe i haawiia ka mana koho, a ua kupono ole loa lakou e loa ia mana koho lahui mamuli o ka lawa ole o ko lakou manawa iloko o ka aina me ka hookupa ole ia, a he lehulehu i haawi ia aku i na poe Pukiki ike ole i ke kakau i na olelo alakai lahui, a e kiola koke ia no ko lakou mau inoa

ma ua hoopaa ia ma kekahi papa koho balota o kekahi mau aupuni e ae malalo o keia kumuhana hilahila ole o ka onou poo kanaka me ke kua nui o ka lahui Hawaii.

Ke hoomanao nei makou i ka malama o Sepatemaba, ua kukala leo nui ae ka lunahoomalu hoohui aina McStocker, aia he 63 pa-keneta ka ikaika [makani] o na mana kakoo i ke aupuni pi gi e ku nei mai ka lahui Hawaii aku, aka, i ka la i haawi ia ai ke koho ana i ka Poakolu i hala, ua haule pahu aku ka oiaio o kela mau olelo i ka huina huahelu haanaa loa o na poe kupono i ke koho balota e like me ke kau i hala.

Ma keia e maopopo ai, aole i kuikahi ka lahui me na kipi kakaikahi o ka limanui, a aole loa lakou e lawe i ka maka-oi o ka pahikaua no ka pepehi i

kona makuahine, ina he kumu  
ia no Hawaii e alako ia ai iloko  
o na popilikia. E kupaa mau  
ana o Hawaii ma ka laina o ka  
pono a me ka pololei, a kali  
aku i ka Amerika olelo hooho-  
lo e haawi mai ai mai kona aha  
mana mai o ke kanawai, a ma  
ia aha e maopopo ai ko Ame-  
rika hooke i kona kahua hoo-  
kele aupuni no ke keneturia o  
na makahiki i hala—aupuni no  
ka lehulehu—a no ka lehulehu.

This article has been automatically clipped from the Hawaii Holomua 12 May 1894, organised into a single column, then optimised for display on your computer screen. As a result, it may not look exactly as it did on the original page. The article can be seen in its original form in the [page view](#).